

韶州府志

世330.2/9
138
却=117

第十七册

卷二十七

官績錄

卷二十八

官績錄

韶州府志卷二十七

宦績錄

漢

三國

晉

南朝宋

南齊

衛颯

茨充

鄧彪

許荆

樂巴

李温

度尙

周昕

胡瑒

陸康

李肅

區祉

俱郡守

熊喬

俱縣長以上漢

羊衡

郡守三國

尹虞

鄧騫

俱郡守

王導

內史

張茂度

韶州府志卷二十七

宦績錄

劉謙之

胡藩

俱相以上晉

徐豁

陸徽

沈法系

孫奉伯

俱郡守

檀和之

內史上南朝宋以

范雲

內史上南齊

蕭恭

蘭欽

俱刺史

蕭介

郡守

何遠

劉覽

俱內史上梁

鄧文進

刺史隋

柳無忝

韋迢

韋倫

韓會

徐申

周君巢

張蒙

謝肇

陳讜俱刺史

畢都護

韋俱司馬以上唐

盧光稠南漢

榮諲轉運使

張忠

蔣偕俱團練使

周敦頤

陳孝則

楊萬里

廖德明

何坦

鄒非熊

林光朝

楊大異俱提點刑獄

曹光實都巡檢使

王明

許申

陳宗憲

王益

常九思

樂温故

韶州府志卷二十七宦績錄

王之才

蘇伯材

張大年

方信孺

劉元剛

陳奕俱知韶州

王仲達

唐介

蘇緘

廖君玉

方希覺

岳飛

余閱

徐天麟

陳光祖

顧孺履俱知英州

梅堯臣別駕

劉衍推官

張箴

湯露

葉大有俱教授

陸起

胡衍

劉恕

蘇邁

曾造

蕭鱗

王必誠

俱知縣

米芾

縣尉

甘昭吉

巡檢以上宋

漢

衛颯字子產河內修武人也家貧好學問隨師無糧常傭以自給王莽時仕郡歷州宰建武二年辟大司徒鄧禹府舉能案劇除侍御史襄城令有名迹遷桂陽太守郡與交州接壤頗染其俗不知禮則颯下車修庠序之教設婚姻之禮期年間邦俗從化先是含漚滇陽曲江三縣越之故地武帝平

韶州府志卷二十七

宦績錄

漢

二

之內屬桂陽民居深山濱溪谷習其風土不出田租去部遠者或且千里吏事往來輒發乘船名曰傳役每一吏出徭及數家百姓苦之颯乃鑿山通道五百餘里列亭傳置郵驛於是役省勞息姦吏杜絕流民稍還漸成聚邑使輸租賦同之平民颯理郵民事居官如家其所施政莫不合於物宜視事十年郡內清理二十五年徵還光武欲以為少府會颯被疾不能拜起勅以桂陽太守歸家

後漢書循

吏祀名宦

學冊

茨充字子河

酈道元水經注作字子何

宛人也舉孝廉為桂陽

太守俗不種桑無蠶織絲麻之利類皆以麻棗頭

縕著衣民惰贏少麤履盛冬皆以火燎足多剖裂
充令屬縣教民益種桑柘養蠶織履復令種紵麻
數年之間人賴其利衣履温煖元和中荊州刺史
上言臣行部入長沙界觀者皆徒跣臣問御佐曰
人無履亦苦之否御佐對曰十二月盛寒時並多
剖裂血出然火燎之春温或膿潰建武中桂陽太
守茨充教人種桑養蠶人得其利至今江南頗知
桑蠶織履皆充之化也

東觀漢記

祀名宦

學冊

鄧彪字智伯南陽新野人也少勵志修孝行仕州
郡辟公府五遷桂陽太守永平十七年徵入爲太
僕後爲太尉在位清白永元五年薨於位天子親
臨弔祭

後漢書本傳

彪旬宣所至聽訟必久坐詳諭曲

紅之南所憩有鄧公石郡人於石上建祠報之

黃通志

韶州府志卷二十七

官績錄

漢

四

許荆字少張會稽陽羨人也少爲郡吏太守黃兢
舉孝廉和帝時稍遷桂陽太守郡濱南州風俗脆
薄不識學義荆爲設喪紀婚姻制度使知禮禁在
郡十二年父老稱歌以病自上徵拜諫議大夫卒
於官桂陽人爲立廟樹碑

後漢書循吏傳

祀名宦

學冊

欒巴字叔元魏郡內黃人也性質直學覽經典擢
拜郎中四遷桂陽太守以郡處南垂不閑典訓爲
吏人定婚姻喪紀之禮興立學校以獎進之雖幹

吏卑末皆課令習讀程試殿最隨能升授政事明
察視事七年以病乞骸骨

後漢書本傳

李温者巴郡宕渠人也少學春秋司馬兵法初舉
孝廉為郡功曹順帝時為桂陽太守善折獄發奸
摘伏吏民畏其權數盜賊亦不敢竊發闔郡稱治

黃通志

度尚字博平山陽湖陸人也延熹五年長沙零陵
賊合七八千人自稱將軍入桂陽蒼梧南海交阯
尚出兵三年羣寇悉定七年封右鄉侯遷桂陽太
守明年徵還京師時荊州兵朱蓋等徵戍役久財
賞不贍忿恚作亂與桂陽賊胡蘭等三千餘人復

韶州府志卷二十七 宣續錄 漢

五

攻桂陽焚燒郡縣太守任允棄城走賊眾遂至數
萬轉攻零陵太守陳球固守拒之於是以前為中
郎將將幽冀黎陽烏桓步騎二萬六千人救球又
與長沙太守抗徐等發諸郡兵并執討擊大破之
斬蘭等首級三千五百級餘賊走蒼梧詔賜尚錢
百萬餘人各有差

後漢書本傳

周昕字君光徐州下邳人也守桂陽時開樂昌六
瀧後人建廟於瀧口尸祝不衰祀名宦

舊志

漢郭蒼撰周府君功勳碑銘桂陽太守周府君者
徐州下邳人也諱昕景作字君光體性敦仁天資
篤厚行與閨門名高州里舉孝廉拜尚書侍郎遷
汝南固始相遂拜桂陽守適宣魯衛之政敷二南
之澤政以德綏化猶風騰撫集烝細振發有方進
則舉直退則錯枉崇舉濟濟吉士充朝招賢訓蒙

開誘六蔽君子道長小人道消信感神祇靈瑞符
應嘉禾生於野奇草像蓬蒿異根之樹超然連理
於此之時邦域惟甯郡又與南海接比商旅所臻
自瀑亭至於曲江一由此水其水源也出於王禽
之山蓋隆崇峻極于天泉聲沸湧發射其顛分
流離散為十二川瀾陵隄阻巒卓錯連隅壅遏
末由騁焉爾乃貫山鑿石經營溝畛激揚爭怒浮
沉潛伏虵龍結屈豐陵鬱泥千渠萬澗合聚溪澗
下迄安聶六瀧作灘湍瀨淫淫沓沓莫若斯天軌所
百川沸騰高岸為谷深谷為陵蓋莫若斯天軌所
經烏得已哉其下注也若奔車失轡狂牛無縻去
揖忽艫陸不相知及其上也則羣輩相隨擅挽提
攜唱和慷慨沉深在前其或敗也非徒喪寶玩隕
珍奇潛珠貝流象犀也往古來今變其終矣於是
府君乃思夏后之遺謀施應龍之顯化憫行旅之
悲窮哀舟人之困厄感觸守冰殄絕黎甍嘉夫昧
淵永用夷易迺命良吏將帥壯夫挑移磐石投之
窮壑夷高填下鑿截回曲弼水之邪性順導其經
脈斷根溢之靈波弱陽侯之洶湧由是小溪乃平
直大道克通利抱布貿絲交易而不至升涉周旋功
邁於前德頌於後樹表於茲雖非龍門之鴻績亦
人君之德宗故舟人嘆於洲渚行旅語於塗陸孔

韶州府志卷二十七

宣讀錄 漢

六

子曰禹不決河疏江吾其魚矣於是熹平三年歲
在攝提仲冬之月曲江長零陵東安區社字景賢
遵承典憲宣揚德訓率履不越欽仰高山乃與邑
之故吏龔臺郭蒼龔維等命工鑿石建碑於瀧上
勒銘公功傳之萬世垂示無窮其辭曰乾坤判兮
建兩儀剛柔分兮有險夷谷中嶽兮據崔嵬嘆衡
林兮獨傾虧增陟兮甚隘隨魚莫涉兮禹不窺
仰王禽兮又崎危俯瀧淵兮恒以悲岸參天兮無
路後石縱橫兮流洞洞波洶湧兮聲若雷或抱貨
兮以從利或追恩兮以赴義泛舟楫兮有不避沉
躬軀兮於元池委性命兮於芒編潛寒慄兮不皇
計泛隨流兮殆忘歸懿賢后兮發聖英閔不通兮
治斯谿歷巨石兮以湮填開切促兮導曲機摧六
龍兮弱其勢過泌汨兮蛟龍藏陸夫唱兮艫人歌
名冠世兮超踰倫今稱揚兮鏗流沙
功斐斐兮鎮海裔君兮壽不訾

胡瑒南陽新野人也博學修行尤篤孝愛桓帝時

舉孝廉累遷桂陽太守修明庶政吏民戴之黃通志

陸康字季甯吳郡人也少仕郡以義烈稱刺史臧

夏舉爲茂才除高成令光和元年遷武陵太守轉
守桂陽樂安二郡所在稱之後漢書本傳

李肅字偉恭南陽人也少以才聞善論議臧否得
中甄奇錄異薦述後進題目品藻曲有條貫眾人
以此服之權擢以爲選舉號爲得才求出補吏爲

桂陽太守吏民悅服徵爲卿會卒知與不知並痛
惜焉吳書步騭傳注

區祉字景賢零陵東安人熹平中爲曲江長以太
守周所循良遵承典憲宣揚德訓率履不越乃與
邑之故吏龔臺等立神漢桂陽守功勳銘曲江郭

蒼爲文立碑瀧上黃通志 祀名宦學冊

韶州府志卷二十七 官積錄 漢 七

熊喬興平元年補桂陽曲江長爲政果達視事六
載鎮南將軍荊州牧劉表以爲民所安命還拜綏
民校尉領曲江長復蒞五年政隆上古流移歸懷
纒負而至吏民作誦遭母憂去官綏民校尉熊君碑 祀名

宦學冊

三國吳

羊衢南陽人受知孫權初爲中庶子赤烏二年春
爲使者督軍擊魏有功廖式作亂旣平以衢爲桂
陽太守甘露元年孫皓分桂陽南部爲始興郡改
衢爲始興太守衢益研政術南嶠率服藻鑑人物
無一爽人皆敬之黃通志

尹虞長沙人也任始興太守起兵討杜弢戰敗二女為弢所獲並有國色弢將妻之女曰我父二千石終不能為賊婦有死而已弢並害之晉書列女傳

鄧騫字長真長沙人有節操忠信兼識量宏遠善與人交久而益敬太尉庾亮稱之以為長者歷武陵始興太守遷大司農卒於官晉書本傳

王導琅琊人為始興內史寬厚博雅吏戢民安後相元帝祀名宦舊志

張茂度名裕吳郡吳人張良後也名與高祖諱同故稱字茂度出補晉安太守盧循為寇受其符書坐

韶州府志卷二十七 官績錄 三國晉 八

免官復以為始興相郡經賊寇廨宇焚燒民物彫散百不存一茂度翔立城宇弔死撫傷收集離散

民戶漸復宋書本傳劉謙之彭城呂人好學撰晉紀二十卷義熙末為

始興相東海人徐道期流寓廣州無士行為僑舊所凌侮因刺史謝欣死合率羣不逞之徒作亂攻

沒州城殺士庶素憾者百餘傾府庫招集亡命出攻始興謙之破走之進平廣州誅其黨羽仍行州

事即以為振威將軍廣州刺史宋書劉康祖傳胡藩字道序豫章南昌人也高祖還彭城參相國

軍事時盧循餘黨與蘇淫賊大相聚結以為始興

相論平司馬休之及廣固功封陽山縣男食邑五百戶少帝景平元年坐守東府開掖門免官尋復其職十年卒時年六十二諡曰壯侯子隆世嗣

宋書

本傳

宋

徐豁字萬同東莞姑幕人也精練明理爲一世所推元嘉初爲始興太守三年遣大使巡行四方并使郡縣各言損益豁因此表陳三事其一曰郡大田武吏年滿十六便課米六十斛十五以下至十三皆課米三十斛一戶內隨丁多少悉皆輸米且十三歲兒不堪田作或是單迴無相兼通年及應

韶州府志卷二十七

宣統錄 一〇 南朝宋

九

輸便自逃逸旣遇接蠻俚去就益易或乃斷截支體產子不養戶口歲減實此之由謂宜便量課限使得存立今若減其米課雖有交損考之將來理有深益其二曰郡領銀民三百餘戶鑿坑採砂皆二三丈功役旣苦不顧崩壓一歲之中每有死者官司檢切猶致逋違老少相隨永絕農業千有餘口皆資他食豈惟一夫不耕或受其飢而已所以歲有不稔便致甚困尋臺邸用米不異於銀謂宜准銀課米卽事爲便其三曰中宿縣俚民課銀一子丁輸南稱半兩尋此縣自不出銀又俚民皆巢居鳥語不閉貿易之宜每至買銀爲損已甚又稱

兩受入易生姦巧山裡愚怯不辨自申官所課甚輕民以所輸爲劇今若聽計丁課米公私兼利在郡著績太祖嘉之下詔曰始興太守豁潔已退食恪居在官政事修理惠澤沾被近嶺南荒弊郡境尤甚拯卹有方濟厥饑饉雖古之良守蔑以尙焉宜蒙褒賁以旌清績可賜絹二百匹穀千斛五年以爲持節督廣交二州諸軍事甯遠將軍平越中郎將廣州刺史未拜卒時年五十一太祖又下詔曰豁廉清勤恪著稱所司故擢授南服申其才志不幸喪殞朕甚悼之可賜錢十萬布百匹以營葬

事

宋書良吏傳

祀名宦

舊志

韶州府志卷二十七

官績錄

南朝宋

十

陸徽字休猷吳郡人元嘉十四年爲始興太守明年仍除使持節交廣二州諸軍事綏遠將軍平越中郎將廣州刺史清名亞王鎮之爲士民所愛詠二十一年徵以爲南平王鑠冠軍司馬長沙內史行湘州府事

宋書良吏傳

沈法系字體先吳興武康人也有將畧世祖伐逆以爲南中郎參軍加甯朔將軍領三千人前發事平以爲甯朔將軍始興太守討蕭簡於廣州聞臺軍將至簡誑其衆曰臺軍是賊劭所遣並信之前征北將軍顧邁被賊徙在城內善天文云荆江有大兵城內由此固守初世祖先遣鄧琬圍簡唯治

一攻道法系至曰宜四面並攻若守一道何時可
拔琬慮功不在已不從法系曰更相守五十日日
盡又不克乃從之八道俱攻一日卽拔斬蕭簡廣
州平封庫藏付鄧琬而還官至驍騎將軍尋陽太
守

宋書沈慶之傳

孫奉伯始興太守太始五年明帝訪太子妃而雅
信小數名家女多不合江氏以下筮吉故爲太子
納之六年拜皇太子妃諷朝士州郡皆令獻物多
者將直百金奉伯止獻琴書其外無餘物上大怒
封藥賜死旣而原之

南史江皇后傳

檀和之高平金鄉人父憑積有軍功和之智勇尤

韶州府志卷二十七

宦績錄 南朝宋

十一

著文帝嘗稱其有將才元嘉十六年爲始興內史
在郡課耕桑靖獄市吏治明果境內肅然士民敬
之

黃通志

南齊

范雲字彥龍南鄉舞陰人晉平北將軍江六世孫
也出爲零陵內史在任潔己省煩苛去游費百姓
安之明帝召還都及至拜散騎侍郎復出爲始興
內史郡多豪猾大姓二千石有不善者謀共殺害
不則逐去之邊帶蠻俚尤多盜賊前內史皆以兵
刃自衛雲入境撫以恩德罷亭侯商賈露宿郡中
稱爲神明仍遷假節武建將軍平越中郎將廣州

刺史初雲與尚書僕射江祐善祐姨弟徐藝爲曲江令深以託雲有譚儼者縣之豪族藝鞭之儼以爲恥詣京訴雲雲坐儼下獄會赦免

梁書本傳祀名宦

舊志

梁

蕭恭字敬範監南徐州事時衡州刺史武會超在州子姪縱暴州人朱朗聚黨反武帝以恭爲刺史時朗已圍始興恭至緩服徇賊示以恩信羣賊伏其勇是夜退三舍以避軍吏請追恭曰賊以政苛致叛非有陳吳之心緩之則自潰急之則併力諸君置之明日朗遣使請降恭杖節受之一無所問

韶州府志卷二十七

官續錄 南齊 梁

十三

卽日收始興太守張寶生及會超弟之子子仁斬之軍門以其賄而虐也有司奏恭縱罪人專戮二千石有詔宥之遷湘州刺史

南史梁宗室傳

蘭欽字休明中昌魏人也幼而果決趨捷過人天監中隨父子雲北征授東宮直閣大通初假欽節都督衡州三郡兵討桂陽陽山始興判蠻至卽平破之封安懷縣男又破天漆蠻帥晚時得會衡州刺史元慶和爲桂陽人嚴容所圍遣使告急欽往應援破容羅溪於是長樂諸洞一時平蕩除梁南秦二州刺史進爵爲侯梁漢底定進號智武將軍改授持節都督衡桂二州諸軍事衡州刺史經廣

州因破俚帥陳文徹兄弟竝擒之至衡州進號平南將軍改封曲江縣公在州有惠政吏民詣闕請立碑頌德詔許焉

梁書本傳

蕭介字茂鏡蘭陵人也祖思話宋開府儀同三司尚書僕射父惠禧齊左民尚書梁大同二年武陵王爲揚州刺史以介爲府長史在職清白爲朝廷所稱高祖謂何敬容曰蕭介甚貧可處以一郡敬容未對高祖曰始興郡頃無良守嶺上民頗不安可以介爲之由是出爲始興太守介至任宣布威德境內肅清

梁書本傳

祀名宦

舊志

何遠字義方東海郟人也爲武康令高祖聞其能

韶州府志卷二十七

官績錄 梁

十三

擢爲宣城太守自縣爲近畿大郡近代未之有也郡經寇抄遠盡心綏理復著名迹期年遷樹功將軍始興內史時泉陵侯染朗爲桂州緣道剽掠入始興界草木無所犯遠在官好開途巷修葺墻屋民居市里城隍廩庫所過若營家焉田秩俸錢竝無所取歲暮擇尤窮者充其租調以此爲常然其聽訟猶人不能過絕而性果斷民不敢非畏而惜之所至皆生爲立祠表言治狀高祖每優詔答焉天監十六年詔曰何遠前在武康已著廉平復莅二邦彌盡清白政先治道惠留民愛雖古之良二千石無以過也宜升內榮以顯外績可給事黃門

侍郎遠卽還仍爲仁威長史

梁書良吏傳

祀名宦舊志

劉覽字孝智彭城上安里人歷官中書郎除尚書左丞當官清正無所私姊夫御史中丞褚湮從兄吏部郎孝緯頗通贓貨覽劾奏並免官孝緯怨之嘗謂人曰犬齧行路覽噬家人出爲始興內史治郡尤勵清節還復爲左丞卒於官

梁書劉璠傳

隋

鄧文進南陽人其祖徙家廣州素雄於財至文進獨折節讀書以故士之流徙者競趨其門文進皆館穀之賓客至千餘人因擇其勇畧者使捍鄉井俚洞夷獠聞風慄服役屬惟謹隋大業中爲韶州

韶州府志卷二十七

官績錄 梁 隋

十四

刺史移州治於武水西宇文化及弒煬帝於江都盜賊布滿天下五嶺亦擾文進散財集兵以赴難旬月之間衆數萬掠地至始興時賊帥林士宏據虔饒兵不克進與戰輒敗於是保有廣韶二州歸之者如市豪酋楊世畧據循潮馮盎據高羅甯長真據欽廉桂林諸郡文進皆通書使以生民爲念定盟同歸於好百粵之境得免於兵革者文進之力也無何士宏稱帝遣使至番禺授諸帥以僞官文進獨不受梁主蕭銑遣兵徇嶺南攻樂昌卽至樂昌率邑人據守扼其鋒使不得進唐高祖武德五年諸帥次第納款是年四月戊寅文進遂統所

部降高祖賜敕獎勞之卽拜鷹揚將軍累立戰功
卒初理郡時嚴重有威爲吏民所畏每戰必身先
士卒或奮臂一呼風雲變色軍中謠曰鄧守一呼
百夫避途言其勇也沒後多著靈響郡人爲之立
廟祀於樂昌黃通志景泰中給事白瑩以保障功奏
聞諡曰忠襄舊志

唐

柳無忝蒲州人曾祖爽中書令高宗廢王后立武
氏爽以后親屬貶愛州尋遣使殺之開元初赦爽
子孫令歸葬而授無忝官遷韶州刺史居三年大
有政聲累官潭州都督郝通志

韶州府志卷二十七

宣續錄 隋唐

十五

韋迢京兆人好學工詩景龍初進士累官禮部郎
中開元間遷韶州刺史道經潭州與杜甫唱和及
發湘潭賦詩寄甫甫復酬之迢泣韶以清潔爲治
工役興作惟修范雲三楓亭而已吏民咸懷其惠

黃通志

杜甫送韋員外牧韶州詩炎海韶州牧風流漢賢
郎分符先合望同舍有輝光白首多年疾秋天昨
夜涼洞庭無過雁書疏莫相忘迢早發湘潭寄杜
員外院長北風昨夜雨江上早來涼楚岫千峯翠
湘潭一葉黃故人湖外客白首尙爲郎相憶無南
雁何時有報章杜甫酬韋韶州見寄養拙江湖外
朝廷記憶疎深慚長者轍重得故人書白髮絲難
理新詩錦不如雖無南過雁看取北來書送魏二
十四司直充嶺南掌選崔郎中判官兼寄韋韶州
選曹分五嶺使者歷三湘才美膺推薦君行佐紀
綱佳聲期共遠雅節在周防明白山濤鑒嫌疑陸
賈裝故人湖外少春日嶺南長憑報韶州牧新詩

將 昨寄

韋倫系本京兆父光乘在開元天寶間為朔方節度使乾元中詔倫為山東道節度使李輔國憾之中罷為秦州刺史尋復貶巴州長史務川縣尉代宗立連拜忠台饒三州刺史宦者呂太一反嶺南拜倫韶州刺史韶連郴都團練使為太一反間貶信州司馬斥棄十年客豫章德宗嗣位召倫使吐蕃還進太常卿兼御史大夫倫處朝數論政得失盧杞惡之改太子少保進太子少師郢國公致仕卒贈揚州都督諡曰肅

新唐書本傳

韓會修武人愈之伯兄擅清譽有文名大歷十四

韶州府志卷二十七

宦績錄 唐

十六

年以起居郎貶韶州卒父老巷哭祀名宦

舊志

徐申字維降京兆人擢進士第累遷洪州長史嗣

曹王臯討李希烈檄申以長史行刺史事任職辦

臯表其能遷韶州刺史韶自兵興四十年刺史以

縣為治署而令丞雜處民間申按公田之廢者募

人假牛犁墾發以所收半畀之田久不治故肥美

歲入凡三萬斛諸工計所庸受粟有差乃徙治故

州未幾邑閤如初創驛候作大市器用皆具州民

詣觀察使以其有功於人請為生祠申固讓觀察

使以狀聞遷合州刺史始來韶戶止七千比六年

倍而半之會初置景州授刺史賜錢五十萬加節

度副使遷邕管經畧使黃洞納質貢賦不竭踰年進嶺南節度使前使死吏盜印署府職百餘員畏事泄謀作亂申覺殺之誑誤一不問遠俗以攻劫相矜申禁切無復犯外蕃歲以瑇瑁異香文犀浮海至申於常貢外未嘗贖索商賈饒盈劉闢反表請發卒五千循馬援故道由爨蠻抵蜀擣闢不備詔可加檢校禮部尚書封東海郡公詔未至卒年

七十贈太子少保諡曰平

新唐書本傳

祀名宦

舊志

唐李翱徐公行狀曰會祖仁徹隋吉州太和縣丞祖元之皇考功員外郎贈吏部郎中諫議大夫考議皇汾州司戶參軍贈信州刺史京兆府萬年縣青蓋鄉交原里東海徐公年七十二公諱申字維降東海鄒人永泰元年寄籍京兆府舉進士秘書省正字初辟巡官于江西又掌書記于嶺南行營

韶州府志卷二十七

宦績錄唐

十七

哥舒氏之亂平奏授大理寺評事轉司直兼監察御史賜緋魚袋又充節度判官於朔方改太子司議郎兼殿中侍御史選授洪州都督府長史時刺史嗣曹王舉江西兵討李希烈故以長史行刺史事任職有成曹王薦之遷韶州刺史四十餘年刺史相循居於縣城州城與公田三百頃皆為墟縣令丞尉雜處民屋公乃募百姓能以力耕公田者假之牛犂粟種與食所收其半與之不假牛犂者三分與二田久不理草根腐地增肥又連遇宜歲得粟比餘田畝盈若干凡積粟三萬斛將復築室於州故城令百工之伎以其藝來者與粟有差刺史臨視給與吏無所行其私以故人皆便信應募者數千人陶人不知墁而塗有餘圻人不板築而牆有餘築人不操斤斧而工有餘陶者圻者築者工者各以其所能以相易未十旬而城郭室屋建立如初刺史以官屬遷於新城縣令之下各返其室創大驛新大市二道四館器用皆具曲江縣五百人以狀詣觀察使請作碑立生祠公自陳所不足述假令如百姓言乃刺史職宜如此何足多者不願以小事市名觀察使嘉其讓密以狀聞遷合州刺史其始來也韶之戶僅七千凡六年遷合州其去也倍其初之數又盈四千戶焉初先夫人沒

於江西遭賊難未克返葬寓於西原公赴合州表
請奉喪歸附於河南偃師縣既滄景觀察御史請
景州刺史闕其帥輒以其僚屬將校自爲之不請
有年矣宰相累進刺史名皆不出及召公入言合
上旨遂下詔遷朝散郎使持節景州諸軍事景州
刺史充本州團練使兼御史中丞賜紫金魚袋尋
加節度副使其明年滄景節度使始朝二年又朝
遂留詔以其從父兄代之奏以公充行軍司馬公
遂以信州府君望近漕河表求改葬於重山詔許
之既徵於京師遷朝散大夫使持節都督邕州諸
軍事守邕州刺史本管經畧招討使御史中丞賜
紫如初是歲貞元十七年也詰俚盜除其暴掠良
聚攻禁下如令通蠻夷道責土貢大首領黃氏率
其屬納質供賦黃氏周氏偉氏儂氏皆羣盜也黃
氏之族最强盤互十數州周偉氏之不一附也率羣
黃之兵以攻之而逐諸海黃氏既至羣盜皆服於
是十三部二十九州之蠻平息無寇害其明年制
遷使持節都督廣州諸軍守廣州刺史兼御史大
夫充嶺南節度觀察處置本管經畧等使散官賜
如故前節度使歿掌印吏盜授人職百數謀夜發
兵爲亂事覺奔走公至陰以術得首惡殺之不問
其餘軍中以安蠻夷俗相攻擊羣聚緣盜發輒捕

韶州府志卷二十七 宦績錄 唐

六

斬無復犯者蕃國歲來互市奇珠璘瑁異香文犀
皆浮海舶以來常貢是供不敢有加舶人安焉商
賈以饒二十一年進階銀青光祿大夫元和元年
詔加金紫光祿大夫檢校禮部尚書封東海郡開
國公食邑二千戶餘如故詔書未至有疾薨於位
凡三佐藩屏之臣五爲刺史一爲經畧一爲節度
觀察使階累升爲金紫光祿大夫爵超進爲開國
公官亟遷爲禮部尚書其事業皆足以傳示後世
爲子孫法享年七十雖不登於上壽儒者榮之前
夫人渤海高氏子皆天後夫人扶風竇氏封國夫
人有子元弼前右衛倉曹參軍以讀書屬文爲業
謹具歷官行事如前伏請牒常編錄謹狀 權德
輿徐公墓誌銘并序公諱申字維降東海郊人五
代祖周室州刺史瓌瓌生隋江州司馬宴宴生吉
州太和丞仁徹仁徹生皇吏部郎中諫議大夫元
之元之生公烈考汾州司戶參軍贈信州刺史又
大凡自偃王而下用仁義世其家諫議之文行信
州之廉退及公始大承泰初當著作賈常侍至操
柄儀曹舉士林之菁華舉進士上第調補秘書正
字四征翹車相屬於途望公舉趾以爲重九江而
西服嶺而南與朔塞被邊之地聯爲命介歷大理
評事司直監察御史太子司議郎殿中侍御史錫

以章綬冀國路公之誅哥舒晃也公以從事主謀
居多嗣曹王之守鍾陵而誅李希烈也公以長史
行刺史事調州師以護饗道厥勞茂焉江漢既清
拜韶州刺史先是長史不任職官曹弛廢刺史寓
以理下邑之令丞與編人雜處比屋庸亡公田為
蕪公乃假之耕牛賦與種食人人自占視其力而
為之制歲乃善熟積為倉箱於是計徒庸程日力
作為城寺大治垣屋置廢市列道橋器用皆備焉
罷去之日夫家名數倍差於始至而不書於籍邑
子張隸等五百人獻其理狀得請於觀察府以函
奏書請立碑祠公瞿然止之曰此刺史職耳一旦
上聞與估伐者何異所不忍為也府不能奪改合
州刺史以先濮陽郡太夫人兆域未附表求改葬
總麻既除以御史中丞領景州刺史自兵興四十
年山東諸侯率強大驕蹇郡二千石多自命於轅
門蓋縣官息人含垢而因緣漸漬然也至是朝廷
以滄州負海勁兵攸處乃建節將幕庭裂屬城以
置支郡會其帥亦請缺守於朝朝論難之二府比
推擇未稱因召公入見而面命焉錫命服文馬縵
錢五百萬尋加節度副使中朝之條職憲令始被
於景人是歲節度使來朝既從父兄為代表公以
本官為軍司馬陳情去職徵還京師復以御史中

詔州府志卷二十七

官續錄唐

十九

承出蒞邕州領經畧之任開南蠻徼道宣明威信
種人黃氏納質請命化條風行曠俗以清明年中
貴持兵符詔書至部以御史大夫督南海二十一
州軍事而節制焉前此守臣物故軍吏乘機竊發
印符易置部校拔用惡少年百輩軍中幾亂相率
亡命公既至捕誅首惡悉原諸誑誤者夷越負險
阻白晝攻剽芟夷根株使無遺類然後布以寬大
人安作業溟漲之外巨商萬艦通犀南金充牣狎
至天子之恩澤賜子聲明物采皆待焉上應急宣
以馳疾傳下無強賈用絕姦利和輯招徠外區懷
之則四封之內其理可知也朝典疇庸進階至銀
青光祿大夫時庸蜀未靖公密疏請發卒徒五千
循伏波故道由夔蠻抵岷峨以會師期誅不恪詔
可其奏就加禮部尚書秩正三品疏封東海命書
未及至奄捐館舍遂以太子少保印綬弔祠稱焉
是歲改元元和公之生七十年矣嗚呼以文發身
以智經物惠和直温忠恪廉清佐賢侯長轂皆有
里效在韶也興事功在景也修班制朗甯察風俗
南海整師律以八命居六官攸好德考終命其蹈
履之全乎夫人渤海高氏早沒繼夫人扶風郡夫
人竇氏柔明有賢行嗣子右衛倉曹元弼似續文
敏號咷毀慕以某月日甯神於東都偃師縣之某

原乃刻堅石以傳永久銘曰噫徐公有質有文有義有仁名聲彰明邁羣倫兮噫徐公不伎不求不緇不磷佐四征暢嘉聞兮公之牧人於韶於景於邕於廣朱旛照路利攸往兮公之愛人以清以靜以惠以養流庸集附如景響兮如何不備奄忽鞠凶蒼龜之同天地之中吁嗟乎徐公

周君巢太原人元和初為韶州刺史時柳宗元謫

柳州過廣人皆言海上宦寓多賢君巢為最治韶

以鎮靜為主廉幹以行之然好餌藥延壽柳宗元

以書戒之君巢自是却藥勤於政事韶人戴之通志

柳宗元與君巢書奉二月九日書所以撫教甚具東西來者皆曰海上多君子周為倡焉敢再拜稱賀宗元以罪大擯廢居小州與囚徒為朋行則若帶纒索處則若關桎梏不于而無所趨拳拘而不能肆槁焉若枿墮焉若璞其形固若是則其中者可得矣然猶未嘗肯道鬼神等事今丈人乃盛譽山澤之臞者以為壽且神其道若與堯舜孔子似不相類焉何哉又曰餌藥可以久壽將分以見與

韶州府志卷二十七

唐

唐

二十

固小子之所不欲得也嘗以君子之道處焉則外愚而內益智外訥而內益辯外柔而內益剛出焉則內外若一而時動以取其宜所以生人之性得以安聖人之道得以光獲是而中雖不至耆老其道壽矣今夫山澤之臞於我無有焉視世之亂若理視人之害若利視道之悖若義我壽而生彼夭而死亡固無能動其肺腑焉味昧而趨屯屯而居浩然若有餘掘草烹石以私其筋骨而日以益愚也人莫可利己獨以偷若是者愈于百年滋所謂天也又何可以謂高明之圖哉宗元始者講道不篤以蒙世顯利動獲大僂用是奔竄禁錮為世之所詬病凡所設施皆以為戾從而吠者成羣已不能明而况人乎然苟守先聖之道由大中以出雖受萬擯棄不更乎其內大都類往往時京城西與丈人言者愚不能改亦欲丈人固往往時所執推而大之不為方士所惑仕雖未達無忘生人之患病則聖人之道幸甚其必有陳矣不宣宗元再拜宗元又贈君巢詩越絕孤城千萬峯空齋不語坐高春印文生緣經句合硯匣留塵盡日封梅嶺寒烟尋翡翠桂江秋月露鱗鱗丈人本是忘機事為想年來顛

容賴

張蒙元和中知韶州歷任四年勤恤民隱修廣庠序梗化者莫不濯心祀名宦

舊志

謝肇字景初上猶人閑武技與父率義兵征蠻功第一除韶州刺史會寇起舉兵捕之一出而平復遷百勝軍防禦使閩粵卒叛肇復提兵剿平下詔褒嘉其畧曰卿業盛機神材雄權變一心許國三奏行符所為皆及物之恩所到有字人之績公忠具在嘉嘆良深授金紫光祿大夫檢校戶部尚書

黃通志

陳讜字昌言福州侯官人登三吏科後為本郡長史以便養親累遷春韶二州刺史皆有善政讜仁

韶州府志卷二十七

宣續錄 唐

三

孝謙恭居官餘祿悉與交親共之鄉邦稱美

福建通志

畢都護不知其名東平人起諸生為廣東潁陽令尋轉韶州司馬秩滿丁內憂性孝幾於毀滅御史大夫蕭瑋嘉之拔補按察判官授新州刺史按察使宋璟使戍恩州以能補刺史尋加朝散大夫遷

端州刺史

粵西文載

張九齡畢公墓誌銘公諱某字某東平人四世祖義雲北齊度支郎中青州刺史曾祖炎貞觀初并州白馬府右果毅都尉右衛郎將祖父蒲州河東令坐事左轉桂州歸義縣丞因家於始甯父誠舉孝廉高尚不仕公即孝廉府君之子稟靈純茂姿性開朗亦既志學休有令聞雖在諸生之中已有萬人之望矣夫忠有世善有元仁於其親友於兄弟豈向行所致其因心而然公之植身根萌素厚操本制末何適非宜故為政之方所從來遠矣某年初有御史將令黜陟幽明公時盤桓居貞未有

攸往而使者承式固才是求褐衣見召直繩斯委
乃表公授梧州錄事參軍非其好也先是剽劫在
境行李所病綱佐無幾遭盜肅然歲滿授廣州真
陽令事必簡舉人用安便莫不容嗟未始見也尋
轉韶州司馬其政如初秩滿丁內憂公有至性幾
於毀滅廬墓展哀泣血扶病有加一等不惟三年
嶺南按察使廣州都督兼御史大夫蕭璿孝悌之
士也以錫類之故有嘉德音於是按補按察判官
義行相成終始如一尤加欽重特以表聞勅授新
州刺史屬恩州會帥日尋干戈將有式遏實資明
允後按察使廣平郡公宋璟以公為五府總管以
甲卒戍焉雖臨之兵威而開以恩信俾忿驚狼戾
化梟為人廣平公深以為能奏假恩州刺史俄又
真授夷落大甯尋加朝散大夫遷端州刺史居必
致理莫匪嘉績屏藩之寄朝選以歸於是加秩中
散大夫拜安南副都護到官未幾聞忽遷殂時年
六十某年月日庚子歸葬於某山之原公內行無
玷外物不干交非務華學皆為已所蒞數郡遺愛
在人全已而歸可謂厚矣有子曰某銜恤終天愬
哀遠日永惟爾代存乎幽篆銘曰倚歟畢侯濬源
長流受氏於畢爰自有周彼美世載實惟孫謀賢
哲繼軌斯其遠猷嗟彼懿宗是生孝友知實內積

韶州府志卷二十七 宦績錄 唐

行非外誘家邦必聞人倫歸厚微此令德夫豈善
守亦既從政厥聞載榮邑能訟息郡用禮成蠻夷
慕教鳴梟變聲九真副領萬里揚旌護彼絕域義
忘險艱緹律未改丹旄而還存沒之際忠孝之間
徽音無泯
篆德茲山

韋 京兆杜陵人明經上第起家汾州參軍求補
遠郡授泉州司戶參軍歷廣州都督府法曹參軍
秩滿遷韶州司馬檢身一德在郡數載息訟清刑

卒於官 黃通志

張九齡韋府君墓誌銘君諱某字某京兆杜陵人
其先佐夏翼商賜命為伯傳楚相漢繼世能賢休
有成烈慶流於裔洎會祖津仕隋至內史侍郎戶
部尚書武德初拜黃門侍郎壽光男克濟美名以
食舊德大父琨太子詹事武陽侯能承休軌載揚
厥問烈考展官止少府監主簿懿業無忝而大位
不充天爵自高人倫斯貴公荷百代之不構傳一
經之素範簡自足以長人文敏足以敷政跡不由

徑必期平直學不爲辯每抑其華志尙則然風流自遠斯有萬里之望豈伊百夫之特始自崇文生明經上第起家汾州參軍公以爲國無小而行無擇苟履忠信何陋蠻貊遂求補遠郡從所好焉於是授泉州司倉參軍歷廣州都督府法曹參軍輪囷下蟠弗以屑意幹蠱用譽將以明道固己仁焉而不異於遠義焉而不辭其難潛亦孔昭允謂君子秩滿遷韶州司馬在郡數載檢身一德輔化致理刑清訟息宜其奮庸上國寘乎公卿而天竟南州終於參佐悲夫享年五十有一某年月卒於官舍粵開元六年冬十二月庚午葬於少陵原有子曰某欲報罔極思傳不朽勒石泉戶式昭德音銘曰皇矣鼻祖時維大彭黻衣作伯彤弓周征猗那其後世濟其名雖公道屈亦樹德聲休烈有素聿修無忝言炳身文禮充物檢行雖欲盡名不可掩學古人官監取諸漸參卿彼汾從事窮海孰云其陋我惟義在何適非宜胡然有待天曷我欺人隨物改

案司馬之葬在開元六年十二月考韋氏於

開元間官韶州者二人曰璩曰迢未敢斷爲

韶州府志卷二十七

官績錄

唐

西漢宋

三

何人也新唐書宰相表所載韋津子琨琨子展三人官職皆與墓誌合獨不言展有子官韶州遂致司馬之名無可考餘說見職官表

韋迢下

阮通志

南漢

盧光稠初仕唐昭宣禪位於梁楚閩南漢時來侵伐稠因以虔韶二州附梁境內安謐韶人德之立廟以祀宋以保護功聞贈太傅賜額曰忠惠卽今

津頭廟

舊志

宋

榮諲字仲思濟州任城人舉進士爲廣東轉運使

廣有板步古河路絕險林箐瘴毒譴開真陽峽至
洗口古徑作棧道七十間抵清遠趨廣州遂爲夷

塗宋史本傳祀名宦舊志

張忠開封人以材武補三班從平恩州功第一皇
祐四年儂智高反領英州團練使據邊渡村扼賊
歸路謂其下曰我十年前一健兒以戰功爲團練
使若曹勉之於是不介騎而前會先鋒遇賊奔忠
手拉賊帥二人馬陷寧不能奮遂中標鎗死焉宋史

本傳

蔣偕字齊賢華州鄭縣人幼貧能立志父病嘗割
股以療父愈詰之曰此豈孝耶曰情之所感實不

韶州府志卷二十七宦績錄 南漢 宋

自知也舉進士補韶州司理參軍以秘書省著作
佐郎爲大理寺厯徙恩州領韶州刺史屬兵糧乏
絕朝廷方募民入粟增虛直給券詣京師射取錢
貨謂之交鈔患未有應令者偕使州倉謬爲入粟
數輒作鈔遣屬官持至京師轉買得緡錢以補軍
食爲御史彈奏降知防州儂智高反除官苑使韶
州團練使爲廣南東西路鈐轄賊方圍廣州偕馳
傳十七日至城下戰士未集會儂智高徙軍沙頭
安撫楊岐檄偕焚糧儲退保韶州坐此降潭州駐
泊都監再降北作坊使忠州刺史命未至軍次賀
州太平場賊夜入營襲殺之贈武信軍節度觀察

留後

宋史本傳

周敦頤字茂叔道州營道人元名敦實避英宗舊諱改焉以鼻龍圖閣學士鄭尙任爲分甯主簿歷合州判官事不經手吏不敢決雖下之民不肯從部使者趙抃惑於譖口臨之甚威敦頤處之超然通判虔州虔守熟視其所爲乃大悟執其手曰吾幾失君矣今而後乃知周茂叔也熙甯初知郴州用抃及呂公著薦爲廣東轉運判官提點刑獄以洗冤澤物爲己任行部不憚勞苦雖瘴癘險遠亦緩視徐按

案舊府志在韶十閩月

以疾求知南康軍因家廬

山蓮花峯下前有溪合於湓江取營道所居濂溪

韶州府志卷二十七

官績錄 宋

三五

以名之抃再鎮蜀將奏用之未及而卒年五十七

宋史本傳

陳孝則字永仲宣和三年進士調東莞尉改判潮州納苗賦令民自概量知英州奏罷涵口稅場人便之除廣南東路提點刑獄有盜賂守獄者逸去誣繫他舶商孝則驗其冤釋之

福建通志

楊萬里字廷秀又號誠齋吉水人紹興二十四年進士提舉廣東常平茶鹽盜沈師犯南粵帥師往平之歷翁源陂子徑抵循梅風餐露宿立戰擒賊孝宗稱之曰仁者之勇遂有大用意就除提點刑

獄祀名宦

舊志

廖德明字子晦南劍人少學釋氏及得龜山楊時書讀之大悟遂受業朱熹登乾道中進士第累官知潯州有聲選廣東提點刑獄彈劾不避權要時盜陷桂陽迫韶韶人懼德明燕笑自如遣將馳擊而親持小麾督戰大敗之乃分戍守遠斥埃明審賞罰宣布威信韶晏然如平時徙知廣州遷吏部左選郎官奉祠卒

宋史本傳

德明初為郡博士重修濂溪書院訓育生徒日授周程先生之書講明心學使知所用力韶士咸矜式焉

舊志

何坦廣昌人淳熙十一年進士少貧好學提刑廣

東杜絕請託洗冤澤民斷獄得情以廉平為嶺南

韶州府志卷二十七

官績錄

三

首稱按部韶州以韶庠貢士田租鮮薄遂益以欺

冒公田十餘畝多士感之官至寶謨閣學士卒諡

文定祀名宦

舊志

鄒非熊字宗望宜黃人登淳熙中進士授樂昌尉

獲強盜恥受賞修復石渠以溉田民有去思辟曲

江令平反獄事活死囚十有二邑人刻石民有張

九韶者被盜獲執平民燬煉誣服非能力爭破械

遣之居亡何真盜敗九韶失物咸在人服其明遷

判韶州陞辭陳三事上嘉納之官至廣東提刑自

號行岩持論勁為文典人甚服之

黃通志

祀名宦

舊志

林光朝字謙之興化軍莆田人再試禮部不第聞

吳中陸子正嘗從尹焞學因往從之游自是專心
聖賢踐履之學通六經貫百氏言動必以禮南渡
後以伊洛之學倡東南者自光朝始孝宗隆興元
年光朝年五十以進士及第調袁州司戶參軍歷
官廣東提點刑獄茶寇自荆湘剽江西薄嶺南其
鋒銳甚光朝自將郡兵檄催鋒統制路海本路鈐
轄黃進各以軍分控要害會有詔徙光朝轉運副
使光朝謂賊勢方張留屯不去督二將遮擊連敗
之賊驚懼宵遁帝聞之喜曰林光朝儒生乃知兵
邪加直寶謨閣召拜國子祭酒兼太子左諭德

宋史

本祀名宦

舊志

韶州府志卷二十七

官績錄

宋
楊大異字同伯唐天平節度使漢公之後從胡宏
受春秋大義登嘉定十三年進士第擢知登聞鼓
院遷大理寺丞平反冤獄者七召對極言時政得
失迂宰相意出知禮州理宗曰是四川死節更生
者楊大異耶論事剴切有用之材也何遽出之對
曰是人尤長於治民命予節廉庾事進直秘閣提
點廣東刑獄兼庾事時常平司逋負山積械繫追
索姦蠹百出大異與之約悉縱遣之負者如期畢
輸吏無所容其姦訪張九齡曲江故宅建相江書
院以祀九齡改提點廣西刑獄兼漕庾二司所至
姦吏屏息寇盜絕迹凡可以爲民興利除害者必

奏行之復建宣成書院祀張栻呂祖謙廣海幅員數千里道不拾遺報政爲最

宋史本傳

曹光實雅州人父疇爲蜀靜南軍使扼邛崃以捍蠻夷光實少武勇有膽氣輕財好施不事細行意豁如也疇卒光實嗣職遷永平軍節度管內捕盜遊奕使乾德中太祖命王全斌等平蜀全斌乃署光實爲義軍都指揮使殘寇猶據沈黎光實以所部盡平之遂以光實知黎雅二州兼都巡檢使安集勞來蠻族懷之六年秋全斌遣人貢京師遂言境內安乂乞罷義軍歸農太祖喜謂左右曰此蜀中傑俊也詔升殿勞問久之以爲黎州刺史及平

韶州府志卷二十七 宦績錄 宋

交廣羣盜未息以光實爲廣韶諸州都巡檢使既

至捕逐羣盜海隅以安

宋史本傳 祀名宦 舊志

王明字如晦大名成安人晉天福中舉進士歷任清平鄆城二縣令宋乾德初召爲左拾遺蜀平選知榮州代歸遷右補闕會用兵於嶺南選爲荆湖轉運使開寶三年大舉南征以明爲隨軍轉運使護送輜重由賀州抵廣州賊衆十餘萬拒戰明與都部署潘美等謀命丁夫數千人持二炬間道先搗賊壘焚其柵大軍擊之賊大敗斬首數萬劉鋹以城降廣州平爲本道轉運使太祖嘉其功擢授秘書少監領韶州刺史充轉運使俄以潘美尹

崇珂爲嶺南轉運使以明爲副使明遍歷部內視民疾苦舊無名科斂悉條奏除之嶺表遂安

宋史本傳

祀名宦

舊志

許申潮陽人天禧元年知州事愛民勤政有甘露之祥祀名宦

舊志

陳宗憲

通志作宗愚

天聖元年知州事修造東西兩河

浮橋復造水車引水入城以防火民蒙其利

王益卽安石父字舜良臨川人大中祥符間進士

及第天聖八年以殿中丞知韶州越俗男女無別

益治未幾男女別於途翁源多虎下檄捕之五虎

自斃州有屯兵五百人代者久不至欲謀爲變事

韶州府志卷二十七 宦績錄 宗

二九

覺一郡皆駭益不爲動取其首謀者五人卽日斷

流之或請以付獄不答旣而聞其徒曰若五人者

繫獄當劫之以叛眾乃服修館驛表坊道隨所設

施皆有條理郡人德之祀名宦

常九思河內人仁宗時知韶州心樂易而政精勤

先是郡歲課丁夫刺船南海餽鹽數千萬石民重

困擾獄訟益煩九思下車斥占名之卒以代之民

得休息

樂温故知韶州日漕司欲以獐寇首豪捕住州境

温故拒不受民乃安堵罷三溪鹽場并草墟歲額

在職二年市銅鑄錢三十萬貫侍從累表薦之

王之才知韶州樂善好修敏而有才雖韶稱事劇而日有餘暇嘗新州學日與弟子員討論講解崇獎秀異俾之進業俱同上

蘇伯材字廷構晉江人紹聖四年進士知潮陽有富民殺女姪吏為致黃金三十斤求毋入狀伯材立械治之籍金於官事連縣佐眾為請伯材曰國法也悉案治之部使以聞特詔褒異擢知韶州時憲司吏誣執翁源民為盜以倖賞因賂縣官梁格就獄殺之伯材疏論格坐黥配吏伏辜福建通志

張大年浦城人政和五年進士周因帥廣西辟為經畧司治平蠻獠通判瓊州海寇陳韜等聞其威

畧率眾來降後知韶州卒於官同上

方信孺字孚若莆田人通判肇慶丞檄督捕韶雄崗寇臺使辟知新州未上有旨就知韶州韶境賴之晏安未幾赤水崗賊踰嶺信孺遣義士秦綱督帳下兵與戰斬其渠魁綱亦殞於賊信孺復欲募士搗巢因朝廷用招降之說而止祀名宦舊志

劉元剛字南夫吉水人嘉定進士官至韶州守理宗嘗立廉貪二碑元剛居廉碑第四經義考

陳奕福州人古靈先生陳襄之曾孫持節嶺南郡東西橋久廢民病涉奕首復東橋作浮舟五十鐵繩維之以渡毫髮不擾又憫官族流離仿廣恩館

之制剏安仁宅以居之得廢寺絕戶田歲入二千斛以口數均給嫁娶喪葬斂助有差凡護構出嶺者亦量遠近調之

舊志

王仲達景德初知英州以禮讓和惠爲教躬行實踐爲學法無遺奸狂無疑獄嘗於南山石壁得唐人元傑所刻開洞谷銘及涵暉谷等字因建宣聖祠於其中像殿齋廬之外復立二亭一閣一堂一院以爲學者講習宴息之所簡修拔尤以勵士氣英之窮鄉僻壤皆知向學蓋自仲達始矣祀名宦

同上

唐介字子方江陵人擢第爲武陵尉調平江令人

詔州府志卷二十七

宦績錄 宋

三十一

爲監察御史轉殿中侍御史劾宰相文彥博守蜀日造間金奇錦緣閣侍通官掖以得執政請罷之而相富弼帝怒卻其奏不視且言將遠竄介徐讀畢曰臣忠憤所激鼎鑊且不顧何辭於謫時彥博在前介責之曰彥博宜自省卽有之不可隱彥博拜謝不已帝怒益甚梁適叱介使下殿貶春州別駕右丞王舉正言太重帝悟取其疏入明日改置英州由是介直聲動天下士大夫稱爲真御史而不敢名又慮介或道死有殺直臣名命中使護之數月起監郴州稅通判潭州知復州仍殿中侍御史自遷謫以來未嘗以私書至京師入對帝勞之

曰卿可謂不易所守矣介頓首謝言事益無所顧
卒贈禮部尚書諡質肅宏簡 祀名宦舊志

蘇緘字宣甫泉州晉江人舉進士調廣東南海主

簿累遷秘書丞知英州儂智高圍廣緘曰廣吾都

府也且去州近今城危在旦暮而不往救非義也

卽募士數千人委印於提點刑獄鮑軻夜行赴難

去廣二十里止營廣人黃師宓陷賊中爲之謀主

緘擒斬其父羣不逞並緣爲盜復捕殺六十餘人

招其誑誤者六千八百人使復業賊勢沮將解去

緘分兵先扼其歸路布槎木互四十里賊至不得

前乃遶出數舍渡江由連賀而西緘與賊戰摧傷

韶州府志卷二十七 官績錄 宋

甚衆盡得其所畧物時諸將皆罷獨緘有功仁宗

喜換爲供備庫副使廣東都監管押兩路兵甲遣

中使賜朝衣金帶宋史本傳

廖君玉字國華荊州人元豐間三禮出身以承議

郎知英州邃理學尤工於詩建書堂於桂山名曰

紫桂偃仰其中時作吟咏而政事未嘗廢也祀名

宦英德縣志

方希覺字民先莆陽人紹聖元年以通直郎知英

州勤恤民隱事無不舉嘗因南山唐人元傑遺迹

構眾樂亭以示與眾同樂之意清溪李修爲之記

祀名宦同上

案舊府志縣志作連希覺郝通志同惟阮通志金石畧辨爲方希覺茲驗南山碧落洞石壁上留存各刻俱署方希覺謹爲更正

英德縣志

岳飛字鵬舉相州湯陰人少負氣節沈厚寡言家貧力學尤好左氏春秋孫吳兵法宣和四年劉韜募敢死士飛應募擒賊陶俊等補承信郎遷秉義郎屢著戰功未嘗敗北建炎三年羣盜黃善等合眾五十萬薄南薰門飛所部僅八百眾懼不敢敵飛曰吾爲諸君破之左挾弓右運矛橫衝其陣賊亂大破之補英州刺史

朱子名臣錄

余闕字德遠永嘉人慶元乙卯權英德府修學校

韶州府志卷二十七

宦績錄 宋

三

請隙地收餼金以養士

英德縣志

徐天麟字仲祥得之仲子開禧進士調撫州教授

累遷武學博士召對言人主當持心以敬通判惠

潭二州權英德府所至興學明教有惠政著有兩

漢會要七十卷漢兵本末一卷西漢地理疏六卷

山經三十卷既謝官作亭蕭灘之上畫嚴子陵像

事之以自况

黃通志

祀名宦

英德縣志

陳光祖字世德仙遊人嘉定間知英州時上供泛輸幾倍光祖奏蠲第四戶以輸民力滇陽渡湍惡舟多覆溺更創巨艦以濟廖德明行部歎曰陳公可謂依本分之君子矣後除廣東提刑作欽恤編

以戒僚屬新濂溪祠以崇道學罷一切無名之征
官至朝奉郎英德縣志

顧孺履莆田人淳祐四年以朝奉大夫權知英德
府五年尙搖煽亂遠近騷然孺履廉其情密檄攝
搖盧陵蕭宗遠開誠招撫搖卽期來欵孺履悉撫
綏之同上

梅堯臣字聖俞宣州宣城人宋興以詩名家爲世
所傳堯臣一人而已任英州別駕有美政祀名宦

舊志

劉衍字成之龍溪人治平間及第授英州推官應
材識兼茂科慨言時務後特授朝奉郎舊志祀名宦

韶州府志卷二十七

宣續錄 宋

三

英德縣志

張麓毗陵人教授韶州學舍頽廢麓節縮廩餼力
自修葺提刑廖德明偕郡守助之成屋八十間舊志

湯露延平人復齋先生陳宓門人也宓守延平盡
行朱子之化露得其傳言出人從教授韶州士多

崇信權學謝升賢修學未完露節縮經繼之乃底
于成黃通志祀名宦舊志

葉大有字謙夫莆田人紹定三年鄉試五年省試
皆中第一授英德府教授捐俸重修郡學秩滿除

國子學錄出入館閣前後敷陳百二十餘奏爲士

論所歸祀名宦英德縣志

陸起臨江新淦人慶厯進士嘉祐庚子知英州軍
事政尚振肅豪猾帖然時有巫以銀囊貯二蛇幻
術惑民觀者塞路起慮爲亂階斬蛇捕巫遠近駭
服祀名宦同上

案南山有知州事屯田員外郎陸起題名在
嘉祐庚子歲至嘉祐六年辛丑蜀人張俞撰
新開峽山棧道記亦稱屯田員外郎知英州
陸君起總計其事舊志以起爲滇陽令恐誤

茲據石刻更正英德縣志

胡衍字昭叔泰和人慶厯中進士宰滇陽嶺南無
田之民例輸丁米衍爲言於外臺部使以聞適陳

韶州府志卷二十七官績錄 宋

三五

執中秉政嘗奏免梧州虛稅於是制可衍性坦夷
內外洞徹所至以循吏稱黃通志祀名宦英德縣志

劉恕宰翁源縣有博雅名司馬光薦修通志恕與

王安石友善安石欲引置三司條例恕以不習金

穀辭且曰天子方大用公何以利爲先遂絕交後

十九年同光輯資治通鑑宋史本傳祀名宦翁源縣志

蘇邁字伯達眉州人文忠公軾之長子知仁化縣

文章政事綽有父風以政最遷雄州防禦推官邑

人祀於名宦黃通志

曾造南豐人丞相文肅公元孫以韶州曹掾辟知
乳源縣謂爲政當先養而後教於是籍在官之田

與民之廢產幾四百畝需其入聚邑子弟之秀者而教之立職長嚴課試創學宮置祭器文風翕然丕變淳熙十六年調知樂昌縣以化民成俗爲急務遷學於城東籍官田之入以養士士以日盛於是樂昌文化媲美中州其爲人謙和而彊濟平易而近民邑人士相與祠於學江武爲撰生祠記云

黃通 志 祀名宦 舊志

蕭鱗字耕道開禧乙丑進士授曲江簿以能遷知仁化縣政務仁恕歲旱教民作輓轆車灌田農受其利有兄弟爭產相毆諭之曰田地失可再置兄弟傷何可復得殘骨肉而奪利何哉民感化有失

韶州府志卷二十七 宦績錄 宋

三六

牛者意其鄰鱗曰莫夜不可知毋遽傷汝善鄰已果得牛於林中民病田決而供賦不休爲奏蠲之卒於官民肖像祀焉 廬陵 縣志

王必誠莆田人進士嘉定十四年知翁源縣明察勤慎率先禮教捐俸修葺黌校以倡屬士子立墟市行保甲禁奸宄恤老幼民皆得所邑賴以安祀

名宦 舊志

米芾字元章淮南人工書善詩爲浣洗尉居職二年風韻瀟遠趣向高潔山水佳處遊題殆遍而職

事修舉教化興行 黃通 志 祀名宦 舊志

甘昭吉字祐之開封人初以內侍殿頭爲英韶州

巡檢捕盜有功再遷內殿崇班京東路都巡檢

宋史

傳本

韶州府志卷二十七

宦績錄 宋

三七

韶州府志卷二十七終

